



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Mediol. Archiepisc.

**urn:nbn:de:hbz:466:1-20006**

auri & ampliùs valentem, & pannos sericos octo, cum privilegio ecclesiasticę libertatis restituere, & quędam alia adimplere; sicut in authentico scripto in pręsentia prędicti prędecessoris nostri exinde confecto, & auctoritate sedis apostolicę confirmato, plenius continetur. Quam transactionem non curavit prędictus Episcopus postmodum observare, nec pręfatum thesaurum, sicut promiserat, restituere; immo deteriora prioribus agens, duas Ecclesias sancti Iohannis & sancti Iacobi, quas dilectus filius Petrus Vestanehsis Archidiaconus diù in pace possederat, contra tenorem prędictę transactionis monasterio Trimitan. dicitur concessisse, & Clericos suos officii & beneficiis, prętermisso juris ordine, spoliasse, manibus in eos sæpe violenter injectis. Cùmque hæc & alia à prędicto Archidiacono coram dilecto filio P. sanctę Marię in via lata Diacono Cardinale, tunc apostolicę sedis Legato, proposita fuissent contra Episcopum memoratum, & in ejus pręsentia utraque parte pręsentem causa diutius agitata, ad hanc transactionem voluntarię devenerunt, ut Vestan. Episcopus ante omnia primam transactionem apud sedem apostolicam factam studeret modis omnibus observare, & thesaurum memoratum Ecclesię suę restituere non differret, prędictasque Ecclesias Trimitanensibus injustę concessas vel ipse revocaret, vel Archidiacono prędicto ad eas daret consilium & auxilium revocandas. Res etiam sancti Nicolai idem Episcopus B. Primicerio & L. sacerdoti dimitteret de cetero procurare, & quartam decimationum fabricis Ecclesię deputatam suis usibus de cetero minimę applicaret. Quę si non faceret, foret dictus Episcopus divino officio alienus; prout in instrumento coram eodem Cardinale confecto apertius continetur. Cùm autem nec primam nec secundam transactionem minimę pręfatum Episcopum observare memorato prędecessori nostro ipsi Canonici intimassent, addentes etiam quod in cęna Domini Ecclesia Vestanen. dimissa ad Sipontinensem Ecclesiam se ad conficiendum chrisma transfulerat, & ibidem illud existente secum in altari Lavellen. Episcopo tunc excommunicato confecerat, eum antedictus prędecessor noster pontificali officio & ec-

clesiastica administratione suspēdit; dans ei firmiter in mandatis, ut in festo sancti Lucę pręteriti anni se suspensum suo conspectui pręsentaret, super prędictis criminibus plenarię responsurum. Quod si non faceret, sciret in se perpetuę depositionis sententiam proculdubio proferendam. Episcopus siquidem mandatum apostolicum vilipendens, nec venit, nec pro se curavit mittere responsalem, suspensionem apostolicam & prędicti Cardinalis interdictum contemnens penitus observare. Proponitur insuper Episcopus memoratus de Clericis in curia imperiali deposuisse querelas, & contra sæpedictum Archidiaconum falsas literas confinxisse, occasione quarum ipsum archidiaconatus beneficio & loco nequiter multo tempore spoliavit. Quoniam igitur hæc non sunt à nobis clausis oculis transeunda, prędictorum inquisitionem vestrę discretionis examini duximus committendam; per apostolica vobis scripta mandantes, quatenus vocatis ad pręsentiam vestram qui fuerint evocandi, inquiratis de pręmissis diligentius veritatem, & omnia in scriptis fideliter redigentes, nobis eadem vestris signata sigillis mittere non tardetis. Datum Laterani.

## MEDIOL. ARCHIEPISC.

**P**astoralis officij debitum nos invitat, & ipse rationis ordo deposcit, ut ea sollicitudine utilitatibus Ecclesiarum intendere debeamus, quod ipsis Ecclesiis ordo debitus conservetur, & Clerici earum ministerio deputati, sicut ab eis stipendia militię clericalis accipiunt, ita eis obsequia militię clericalis impendant. Inde est quod, sicut ex tenore tuarum literarum accepimus, Mediolanensis Ecclesia tam in capite quàm in membris, occasione Clericorum illorum qui ab ipso Romano Pontifice ordinem receperunt, adeo est ministrorum solatio destituta, ut paucos Clericos in eadem Ecclesia vales invenire, quos ad diaconatus & presbyteratus possis officium promovere. Verum quia fraternitas tua suppliciter à nobis expetit ut ipsius Ecclesię necessitatem sollicitudine paterna pensantes, tibi deberemus licentiam indulgere manus posse illis ordinationis imponere; super hoc tuę fraternitati taliter duximus respondendum, quod ipsius Ecclesię

*Epist. 12.*  
Ut liceat ei illos in Ecclesia sua ad diaconatum & sacerdotium promovete, qui à Summo Pontifice ordinem susceperunt.

necessitate pensata, si aliqui fuerint de supradictis Clericis, quia hoc videantur idonei, & spontanea voluntate per tuum ministerium voluerint ad sacros ordines promoveri, eos auctoritate nostra tibi liceat ordinare. Alioquin illos quos ad officium illud magis idoneos ac necessarios fore cognoveris, nobis per tuas literas significare curabis. Nos enim deliberato consilio respondebimus quid tibi super hoc fuerit faciendum. Datum Laterani XII. Kal. Martij.

*IVRAMENTVM FIDELITATIS*  
*exhibitum Domino Innocentio, successoribus ejus, & Romanae Ecclesiae, à Petro praefecto urbis, Oddone de Palumbaria, Oddone de Monticillo.*

*Epist. 23.*  
*Vide infra epist.*  
*572. hujus lib.*

**A**ltera die post consecrationem Domini Innocentij Papae III. Petrus Urbis praefectus in consistorio Lateranensis palatii publicè juravit ei & successoribus suis atque Romanae Ecclesiae fidelitatem contra omnem hominem, & recepit ab eo investituram praefecturae per mantum; ac deinde fecit ei ligium hominum inter manus ipsius, qui donavit ei cuppam argenteam in signum gratiae. Consecratus est autem idem Dominus Innocentius Papa III. eadem die solenniter in apostolica sede, qua beatus Petrus Apostolus in episcopali fuit cathedra collocatus. Eadem die fecerunt ei fidelitatem Oddo de Palumbaria, & Oddo de Monticillo.

*SPIREN. ARGENTIN. ET*  
*Vuormacien. Episcopis.*

*Epist. 24.*  
*Pro liberatione*  
*Salernitani*  
*Archiepiscopi.*

**Q**uanta praesumptionis & temeritatis existat in rectores Ecclesiae manus injicere violentas, in Evangelio Dominus protestatur, qui se in ministris suis affligi asseruit, & in Apostolorum principe alibi se perhibuit iterum crucifigi. Hoc etiam poenae qualitas manifestè declarat, cum excommunicationis sententia in ipso actu feriat delinquentes, si non solum in fratres & coepiscopos nostros, sed etiam in minoris ordinis Clericos violentiam praesumpserint operari. Ne autem solos violentiae hujus auctores aliquorum praesumptio crederet esse punitos, facientes & consentientes pari poena plectendos canonica censura condemnat, eos etiam delinquentibus favere interpretans, qui cum possint, manifesto facinori desi-

nunt obviare. Quod bonae memoriae C. Papa praedecessor noster haecenus diligenter attendens, auctores & fautores captivis & detentionis venerabilis fratris nostri Salernitani Archiepiscopi excommunicationis nunciasset vinculo innotatos, nisi per imperiales nuncios saepe fuisset ei ac firmiter repromissum quòd idem Archiepiscopus sine dilatione qualibet libertati pristinae redderetur. Ne autem detentio ejus nobis de cetero imputeretur, si circa liberationem ejus inventi fuerimus negligentes, fraternitati vestrae per apostolica scripta mandamus, & districtè praecipimus, quatenus nobilem virum Vuicel. de Berc. ex parte nostra diligentius moneatis, ut eundem Archiepiscopum à detentionis suae carcere absolutum ad nos cum honore remittat; nobilitatem ejus gratiarum actionibus prosequentes, quòd circa eum spiritum compassionis exhibuit, & quantum licuit, solatium ei humanitatis impendit. Quòd si (quod non credimus) ad monitionem vestram, & venerabilis fratris nostri Sutrii Episcopi, & dilecti filij Abbatis sancti Anastasij, quos ad hoc specialiter destinamus, eum dimittere fortè noluerit, excommunicatum ipsum publicè nunciatis, & si qua forsan ab aliquibus Ecclesiis beneficia possidet, ea ipsi per censuram ecclesiasticam auferri mandantes, totam terram ejus, immo totam diocesim, in qua idem Archiepiscopus detinetur, vel ad quam translatus fuerit detinendus, supponatis sententiae interdicti. Nos enim dilectis filiis Capitulo Maguntin. dedimus in mandatis, ut sententiam vestram faciant inviolabiliter observari. Volumus autem nihilominus, & mandamus, ut universis Alemanniae principibus in remissionem suorum criminum injungatis, ut sollicitudinis suae studium efficaciter interponant, quòd eis mediantibus Archiepiscopus ipse liberè ad nos quantocius revertatur; significantes eis quòd si id (quod absit) impletum non fuerit, in totam Alemanniam interdicti cogemur sententiam promulgare. Quòd si omnes &c.

*SVTRINEN. EPISCOPO ET*  
*Abbati S. Anastasij.*

**C**um ei simus divina providentia in Ecclesiae Romanae regimine substituti, qui à Domino, ut delinquenti-

*Epist. 25.*  
*Pro reconcilia-*  
*tione Philippi*  
*Ducis Sueviae.*